

# JÓLAKORT

FÖSTUDAGUR 11. NÓVEMBER 2011

**Kynningarblað**

Ljósmyndir  
Dagatöl  
Prentun  
Vefsíður  
Myndabækur  
Jólagjafir

## Afar notendavænn vefur

Prentsmiðjan Oddi heldur úti myndavörufel þar sem hægt er að hanna eigin jólakort, myndabækur, dagatöl, spil og veggspjöld. Vefurinn hefur nýlega verið endurbættur og er mjög notendavænn og þægilegur í notkun.

**P**ersónuleg jólakort eiga auknum vinsældum að fagna hjá fjölskyldum landsins ekki síst vegna bráðsniðugra vefsíðna á borð við þá sem Oddi býður upp á. Á [www.odd.is](http://www.odd.is) er hægt að skrá sig inn, hlaða niður eigin myndum og búa til jólakort, myndabækur, dagatöl og ýmislegt fleira sem hentar vel í jólapakkann. „Þetta hefur verið afar vinsælt hjá okkur,“ segir Arnar Árnason hjá Odda. Hann tekur fram að vefurinn hafi nýlega verið endurbættur. „Hann er því mjög notendavænn og þægilegur. Vefurinn er allur á íslensku og leiðir viðskiptavini vel áfram,“ útskýrir hann og bætir við að vefurinn hafi verið prófaðir bæði á vönum og óvönum leikmönnum og fengið góðar niðurstöður. „Til dæmis lætur forritið vita ef eitthvað er gert vitlaust, til dæmis ef mynd er í of lítilli upplausn eða ef texti er of langur,“ segir hann og tekur fram að með öllum jólakortum fylgi umslög.

Ef vandamál kemur upp er þó lítið mál að fá aðstoð. „Hér eru sérfræðingar innanhúss sem eru þjálfaðir í að aðstoða. Hægt er að senda spurningu á [mynd@odd.is](mailto:mynd@odd.is) sem er svarað um hæl eða hringja í 515 5000 og fá aðstoð gegnum síma,“ segir Arnar og tekur fram að fólki sé einnig frjálst að koma á staðinn að Höfðabakka 7 og fá persónulega aðstoð.

Arnar segir útlitsmöguleika jólakortanna marga,

auk þess sem einnig sé boðið upp á ýmsar aðrar kortagerðir fyrir öll önnur tækifæri. „Þú getur verið með mynd á forsíðu kortsins af hverju því sem þú vilt en inni í kortinu getur þú raðað eins mörgum myndum og þig lystir,“ útskýrir hann og segir marga nýta sér þann möguleika til að sýna frá ýmsu því sem fjölskyldan hefur tekið sér fyrir hendur frá síðustu jólum.

Tími jólakortanna verður allsráðandi nú á næstunni en á vefsíðu Odda má einnig útbúa gjafir í jólapakkana. „Myndabækur, spil og dagatöl eru mjög vinsæl í slíkt,“ segir Arnar. Hann minnst einnig á jóladagatöl sem gaman sé að eiga á aðventunni. „Foreldrar hafa búið svoleiðis til fyrir börnin sín en börnin hafa einnig fengið að búa til sín eigin með skemmtilegum myndum.“

Frá því varan er pöntuð þar til hún er tilbúin tekur fimm virka daga. Einnig er hægt að panta hraðafgreiðslu sem tekur tvo daga en kostar þá 1.990 krónur aukalega.

Þeir sem vilja kynna sér þetta nánar og sjá sýnishorn geta komið við upp á Höfðabakka 7 en einnig verður Oddi með kynningarbas á Bókamessunni í Ráðhúsi Reykjavíkur núna um helgina á milli 11 og 18 laugardag og sunnudag.

Jóladagatöl eru skemmtileg á aðventunni.



Arnar Árnason segir myndavörufel Odda afar þægilegan í notkun.

MYND/GVA



Persónuleg jólakort eru orðin mjög vinsæl.



### Myndir beint af Facebook

Ein af nýjungunum sem boðið er upp á myndavörufel Odda er að nú er hægt að hlaða niður myndum beint af Facebook-síðu viðkomandi. Á síðunni er tenging bæði við Facebook en einnig aðra myndavefi á borð við Flickr og Photobucket. Önnur skemmtileg nýjung er að hægt er að deila því sem verið er að gera á myndavefnum með öðrum. Þannig er hægt að senda myndabók eða dagatal til vinar eða kunningja sem þá getur gert athugasemdir eða pantað sjálfur í gegnum notandareikning sinn á [www.odd.is](http://www.odd.is).



### Í anda jólanna

Þeir sem búa til sín eigin jólakort á myndavörufel Odda eiga val um að styrkja barnahjálpsamtökin UNICEF. Af hverju korti renna 30 krónur til hjálpsamtakanna, Oddi leggur til 10 krónur og viðskiptavinurinn 20 krónur. Boðið var upp á þetta fyrirkomulag í fyrra og svo verður einnig í ár. Þannig getur fólk slegið tvær flugur í einu höggi: sent persónulegt jólakort til sinna nánustu og látið um leið gott af sér leiða í anda jólanna.

**15%**

afsláttur í nóvember

**SPIIL, DAGATÖL, KORT OG MYNDABÆKUR**

Hannaðu persónuleg jólakort fyrir þessi jól á **odd.is**

**NÝR**  
ENDURBÆTTUR  
VEFUR



# Dýrmætasta gjöfin

Pví fylgir notaleg jólastemning að dunda við persónulega sköpun jólagjafa í formi myndabóka og myndadagatala að hætti Myndvals, að ógleymdum jólakortunum.

Ljósmyndabækur og dagatöl með persónulegum ljósmyndum eru jólagjafir sem kæta hjörtu allra sem hljóta. Minningar úr sumarleyfinu, frá fermingardegnum eða öðrum einstökum viðburðum innan fjölskyldunnar eru oft dýrmætasta jólagjöfin og sú sem hittir beint í mark,“ segir Egill Ingi Jónsson, eigandi Myndvals, sem eftir 20 ár í Mjóddinni hefur flutt sig um set yfir á Smáratorg, nánar tiltekið í verslunarrými A4.

„Nú fyrir jólin bjóðum við í fyrsta sinn upp á myndabók með óþrjótandi möguleikum á útliti og útfærslum. Bókina er leikur einn að gera eftir að sótt er lítið forrit á heimasíðuna okkar. Í forritinu getur fólk dundað sér við að setja inn myndir að óskum í bókina, texta og minningar, og leikið sér að útliti hennar eftir smekk hvers og eins. Þegar bókina er tilbúin er hún ýmist send til okkar í gegnum netið, sett á disk eða minnislykil og við tökum við verkinu með framköllun á ljósmyndapappír sem við svo setjum saman í fallega og eiginlega bók,“ útskýrir Egill, en á úrvals ljósmyndapappír verður bókina áferðarfallegri og varanlegri, rétt eins og dæmigert myndaalúbúm.

Í forritinu sem sótt er á heimasíðu Myndvals opnast líka tækifæri til að útbúa dagatal með myndum að eigin vali fyrir hvern mánuð ársins.



Egill Ingi Jónsson eigandi Myndvals með myndabók í fanginu, umkringdur fallegum vörum til jólagjafa.

„Dagatalið er unnið á sama hátt og myndabókin og hægt að leika sér með afmælisdaga, raða inn fríðögum og fleiru skemmtilegu sem gleður þann sem nýtur þess á ári komanda,“ segir Egill sem eftir útprentun setur dagatölin ýmist á fót til að hafa á borði eða í stærri útgáfu til upphengingar.

Fyrir jólin býður Myndval einnig upp á myndajólakort með umslagi. Þau fást einhliða í þremur stærðum, þar sem ljósmynd og jólakveðja er áprentuð, en einnig fást opnanleg jólakort þar sem

unnt er að handskrifa jólakveðju.

„Eftir að dagatöl og myndabækur viðskiptavina er komið í okkar hendur tekur um þrjá daga að fullvinna verkið. Þá er alltaf hægt að koma til okkar í búðina og ganga frá málum á staðnum. Verslunin er þekkt fyrir mikið og gott úrval myndaramma og sjón sögu ríkari að skoða allt í með eigin augum,“ segir Egill brosmildur í jólaskapi á nýjum stað.

Heimasíða Myndvals er [www.myndval.is](http://www.myndval.is). Nýja verslunin er á Smáratorgi 1, inni í verslunarrými A4.



## BÖRNIN GETA HJÁLPAÐ TIL

Jólakortin þarf ekki að kaupa úti í búð ef listfeng börn er að finna á heimilinu. Börnum þykir flestum skemmtilegt að fönndra og um að gera að virkja sköpunarkraft þeirra í jólakortagerðina. Karton, litir og ýmsar fönndurvörur fást í mörgum verslunum og geta umbreytt í fjölbreytt og falleg jólakort.

Það getur verið uppskrift að skemmtilegri samverustund fjölskyldunnar ef foreldrar setjast niður með börnum sínum og fönndra jólakort. Um að gera að leyfa hugmyndaflugi barnanna að ráða. Notalegt getur verið að bjóða upp á heitt kakó, jólablöndu og piparkökur til að stundin verði sem hátíðlegust.

Fá jólakort eru jafn persónuleg og þau heimagerðu en þeir sem vilja geta síðan stungið fallegri fjölskyldumynd inn í jólakortið.



Útgefandi: 365 miðlar ehf., Skaftahlíð 24, s. 512 5000

Umsjónarmenn auglýsinga: Sigríður Dagný Sigurbjörnsdóttir [sigriddagny@365.is](mailto:sigriddagny@365.is) s. 512 5462 Ábyrgðarmaður: Jón Laufdal.

## BÚÐU TIL ÞÍN JÓLAKORT



Auðvelt, þægilegt, flott, Ódýrt!!! ...eftir þínu höfði.

[www.prentlausnir.is](http://www.prentlausnir.is)

# Prentlausnir

Síðumúla 23 - S. 533 6000

## Persónulegar gjafir

Prentlausnir sérhæfa sig í stafrænni prentun og frágangi á prentgripum. Fyrirtækið hefur yfir að ráða forriti sem auðveldar fólki að búa til falleg jólakort, dagatöl og alúbúm.

Prentlausnir þjónusta einstaklinga og fyrirtæki, stór og smá með stafræna prentun og frágang á prentgripum. Að sögn Þórs Þorsteinssonar, annars eigenda Prentlausna, nýtur forritið á vefsíðu fyrirtækisins mikilla vinsælda um þessar mundir en það gerir notendum kleift að búa til eigin jólakort, dagatöl og myndaalúbúm með tiltölulega lítilli fyrirhöfn.

„Forritið er amerískt og kallast Digilaps. Fyrir utan að vera svo notendavænt að afi gamli og amma geta nýtt sér það leikandi létt, er búið að þýða forritið á íslensku og hægt að hlaða því beint á tölvu notenda sem veldur því að vinnslan er hröð, miklu hraðari en þegar fólk gefst kostur að nota svona forrit á netinu,“ bendir Þór á.

Þegar búið er að sækja forritið á heimasíðu Prentlausna á slóðina [prentlausnir.is](http://prentlausnir.is) segir Þór þrjá fyrrnefnda valkosti bjóðast. „Sá fyrsti er að gera jólakort og hægt að skreyta það með eins mörgum myndum og mann langar til, bæði inn í og á bakinu,“ segir hann og getur þess að valið standi milli tveggja stærða, A5 og A6. „Kortið er svo hægt að fá með broti ef maður vill og umslag fylgir alltaf með.“

Annar valmöguleiki er að setja saman dagatal í forritinu. „Þar er líka hægt að hafa frjálsar hendur með fjölda mynda og jafnvel setja eina mynd í bakgrunn,“ segir hann. „Svo gefst sá kostur að setja



Örn Valdimarsson og Þór Þorsteinsson eigendur Prentlausna sem bjóða sniðugar lausnir í úrvinnslu jólakorta, dagatala og alúbúma.

inn á einum stað í forritinu nöfn einstaklinga, afmælisdaga og myndir af viðkomandi og þá birtist allt saman sjálfkrafa inni í dagatalinu.“

Loks nefnir Þór alúbúmin til sögunnar. „Sem geta verið eins myndskreytt og fólk vill, án eða með texta sem það fyllir sjálft inn og farið upp í allt að 200 blaðsíður í fjórum stærðum: A4 langsníði, A4 standandi, 28 x 28 eða 21 x 21 senti-

metra,“ segir hann og getur þess að rétt eins og í fyrirnefndum tilvikum þurfi að vista endanlega útkomu og senda rafrænt til Prentlausna sem annist allan frágang þegar greitt hefur verið með greiðslukorti.

„Eftir það gengur allt mjög hratt fyrir sig, sérstaklega þegar um minni upplög er að ræða og svo gefum við fólki kost á að sækja pakkann eða fá hann sendan til sín.“

# Myndlist og minningar

Fyrirtækið Hans Petersen hefur verið leiðandi í að meðhöndla ljósmyndir íslensku þjóðarinnar í áratugi, hvort sem það eru persónuleg jóla kort, dagatöl og myndabækur eða stækkaðar ljósmyndir á hágæðapappír og striga. Það nýjasta er prentun mynda á plexigler. Fyrirtækið er til húsa í Ármúla 38 og þar er Ólafur Steinarsson framkvæmdastjóri.

Íslendingar halda í þær hefðir að senda vinum og ættingjum sínum jóla kort og við leggjum upp úr því að geta boðið viðskiptavinum okkar falleg kort með myndum sem þeir koma sjálfir með eða senda okkur inn rafrænt. Auk þess stækum við myndir á hágæðapappír, plaköt, striga og álplötur og nú er komin ný tækni sem gerir okkur kleift að bakprenta ljósmyndir á plexigler. Útkoman er glæsileg,“ segir Ólafur Steinarsson, framkvæmdastjóri í Hans Petersen.

Ólafur segir úrval af forhönnuðum kortum í 15,2x15,2 og 10,2x20 og bendir á sýnishorn á vefnum [www.kort.is](http://www.kort.is) „Fólk er líka farið að bjarga sér í auknum mæli heima með umbrotsforritum og sendir okkur þá jafnvel inn sín eigin kort í tölvupósti eða mætir með eigin hönnun í verslunina. Þá þarf bara að hafa í huga að kortin séu í þessum stærðum (15,2x15,2, 10,2x20 eða 10,2x15,2) og að upplausnin á myndunum sé 300 punktar. Okkar framleiðsla byggist sem sagt ekki einvörðungu á því að okkar kort séu valin heldur er fólk að sjálfsögðu frjálst að koma með sínar eigin hugmyndir. Það getur sent okkur fyrirspurnir á mynd@hanspetersen.is

Þótt nýtt útlit sé á kortunum frá Hans Petersen frá ári til árs hefur verið ekkert breyst frá því í fyrra, að sögn Ólafs, og öll eru kortin seld með umslögum. „Svo ætlum við líka að bjóða frímerki í ár svo fólk geti klár- að málið hjá okkur,“ segir hann.

Ljósmyndabækur og dagatöl gerir fólk að nokkru leyti sjálft heima hjá sér í tölvunni, að sögn Ólafs. „Það nær sér í forrit á síðunni okkar, býr til bókina eða dagatalið og sendir það inn,“ útskýrir hann. „Best er að huga að slíku sem fyrst því mikið álag er á framleiðslunni fyrir jólin.“

Meðal þess sem unnið er í Hans Petersen eru listaverk úr fallegum myndum viðskiptavina. „Hér er mikið gert af því að prenta ljósmyndir á striga, enda er slíkt tilvalin jólagjöf og sömuleiðis myndir á álplötur, foam og plexigler,“ segir Ólafur.

Þótt stafræna tæknin hafi rutt sér til rúms segir Ólafur framköllun á filmum heldur í sókn aftur. „Fólk er talsvert að taka myndir á filmur og við framköllum bæði lit- og svarthvítar filmur. Eins er dálítið um að fólk komi með gamlar skuggamyndir (slides) og láti setja á rafrænt form og pappír. Í þeim liggja minningar sem fólk hefur ekki hugað að en er nú að vakna til vitundar um.“

Ólafur telur vera 10 ára gat í myndrænni fjölskyldusögu Íslendinga því flestar myndir séu bara vistaðar í tölvum og fáum til gagns. „Fólk þarf að vera duglegt að koma



Ólafur í einu horni fyrirtækisins Hans Petersen þar sem nokkrum myndavélum úr fortiðinni hefur verið stillt upp.

MYNDVALLI

myndunum á pappír,“ segir hann. „Til að varðveita þessar minningar á aðgengilegan hátt. Eftir sem áður er ljósmyndin fyrirbæri sem mótar hvernig við munum, skiljum, sjáum og finnum til.“

Hvernig við skynjum okkur sjálf og alla hina, heiminn, söguna og samtímann, hörmungar og hamfarir, sigra og sorgir og að sjálfsögðu feegurðina. Þessi 170 ára tækni er heimsbylting hvernig sem á hana er litið.“

Ljósmyndin er fyrirbæri sem mótar hvernig við munum, skiljum, sjáum og finnum til,“ segir Ólafur.



Persónuleg jóla kort  
[www.kort.is](http://www.kort.is)

**HANS PETERSEN**




### KORTIN NOTUÐ Í SKREYTINGAR

Jólakortin sem berast heim má vel nota í jólaskreytingar á heimilinu þegar þeim fer að fjölgja. Þannig er ein hugmyndin að klemma þau hvert og eitt á lítil klemmuspjöld sem þessi og láta þau standa í þyrpinu á stofuborðinu, á hillu eða ofan á píanóinu fram að jólum. Klemmuspjöldin sjálf má svo skreyta með einhverju jólalegu, bjöllum og borðum, greni eða öðru.

### HJÁLPIN ER NÆRRI

Jólakortalistinn getur verið yfirþyrmandi við upphaf verks. Það er ekkert sem segir að klára verði staflann á einu kvöldi, vel má dreifa álaginu á nokkur kvöld og byrja þá frekar fyrr í mánuðinum. Þá mætti einnig virkja annað heimilisfólk í verkið.

Einnig má léttá sér vinnuna á ýmsan máta. Til dæmis mætti skrifa eitt bréf um það helsta sem drifið hefur á daga viðkomandi, fjölríta og stinga inn í fallett jólakortið með persónulegri undirskrift.



### KORTIN Á STALL

Jólakort eru flest falleg á að líta. Því er leiðinlegt að stinga þeim ofan í skúffu eða þar til gerðan jólakortapoka þar sem þau sjá aldrei dagsljósið. Ein leiðin til að gera þau sýnileg gestum, gangandi og ekki síst heimilisfólki er að strengja band á góðan stað í stofu, eldhúsi eða forstofu og hengja jólakortin á það um leið og þau berast.



### JÓLAKORTAPOKINN

Gamli góði jólapokinn, gjarnan einhver sem amma eða langamma útbjó og skreytti með eigin handbragði, er mörgum kær. Ekki gleyma honum milli ára og þegar jólin eru afstaðin er gott að setja hann á vísan stað og skrifa í dagbók heimilisins hvar hann er geymdur. Reyndar er mjög gott almennt með jólaskraut að skrifa í sérstaka minnisbók hvar sérur, jólatrésfótur, jólakúlur og annað er geymt nákvæmlega og merkja kassana að utan.



### KORTIN Í PÓST

Póstkassa má finna víða um bæinn og þægilegt og jólalegt er að geta rólt með jólakortin að póstkassa í hverfinu. Yfir 250 póstkassa er að finna á landinu og á heimasíðu Póstsins, postur.is má finna lista yfir þá kassa með nákvæmum staðsetningum, til að mynda við hvaða inngang viðkomandi póstkassi er á byggingum og hvort þeir eru fleiri en einn, sem er gott að vita fyrir þá sem eru með talsvert magn jólakorta. Sá vefur er líka einkar gagnlegur fyrir ýmislegt annað tengt jólakortavertíðinni, til dæmis lista með póstnúmerum landsins.

# Undirbúningur jólanna hefst á pixel.is

jólakort....veggdagatöl....plaköt  
ljósmyndabækur....strigamyndir

Til 4. desember eru allar vörur úr **pixel designer** á 15% afslætti  
Þú virkjar afsláttinn með því að slá inn kóðann **JOL2011** þegar þú gengur frá greiðslu



FRÍTT FORRIT



15%  
AFSLÁTTUR TIL  
4. DESEMBER

Gerðu þitt eigið jólaævintýri á [www.pixel.is](http://www.pixel.is)

**pixel designer**

er frír hugbúnaður sem þú halar niður og vistar á tölvunni þinni af [www.pixel.is](http://www.pixel.is), þannig að þú getir unnið á þínum eigin hraða.



**pixel**  
prentþjónusta

Brautarholti 10-14 // Sími 575 2700 // [pixel@pixel.is](mailto:pixel@pixel.is) // [www.pixel.is](http://www.pixel.is)

**pixel designer**

Fylgdu okkur á  
**facebook**

